

H.N.Zool.
XII
1590

4

Zoolog 303f


XII 1590 : 6

19 Tafelce 112 H 8 dec 46 - PB

SUB Göttingen
209 108 959

7





IO. FRID. BLUMENBACHII

MED. D. ET PROFESSORIS PRIMARII

REGI A CONSILIIS MEDICINALIBUS PRINCIPE LOCO

ORDINIS GUELPHORUM EQUITIS

SOCIETATIS REGIAE SCIENTIAR. GOTTINGENS. SODALIS

ET A LITTERIS EIUS SECRETIS

D E C A S S E X T A

COLLECTIONIS SUAE

C R A N I O R U M

D I V E R S A R U M G E N T I U M

I L L U S T R A T A.

G O T T I N G A E

A P U D H E N R I C U M D I E T E R I C H.

M D C C C X X .

Ex
BIBLIOTHECA
REGIA ACAD.
GEORGIAE
AUG:

Cum ante bina et quod excurrit lustra quintam decadem craniorum musei mei exhiberem, vix quidem tot tantaque adhuc nova augmenta istius collectionis expectaram. ut selectus faltem rarissimorum et maxime memorabilium sextae adhuc decuriae uberem materiam paeberet.

Crevit tamen ea interim fautorum in primis et amicorum attento studio et liberalitate adeo, ut iam insigne et ad illustrandam generis humani naturalem historiam gravissimum complementum prioribus ipsis dissertationibus craniologicis subiungere liceat, utpote quo praesertim biga maxime dissimilium craniorum gentilitiorum exhibetur, quam ad pretiosissima musei mei cimalia refero: alterum nempe pulcherrimum et fere ideale veteris Graeci, alterum vero barbarum et immane Botocudae anthropophagi.

Verum et ex reliquis talia praesertim selegi capita ossa remotissimarum gentium quae illustrando studio anthropologico et

ethnographico secundum ea varia momenta quae in fronte decadis quintae enarravi, egregie inservire poterunt; ad demonstrandam v. c. affinitatem gentium quae, sive aetate qua floruerunt, sive terrarum quas incolunt longa distantia valde diversae videntur, ut veteres Aegyptii et hodierni Indi; Samojedi et Americani Caurini; aut ad explicandam formam mixtam in craniis hominum quasi hybridorum, ex parentibus nempe diversi stemmatis oriundorum, quod Mulattarum est.

Quae quidem iterum sueto ordine quinarum varietatum in quas universum qualiter patet genus humanum proxime ad naturae veritatem dividendum mihi videtur, sigillatim memorabimus.

VARIE.

VARIETATIS PRIMAE
SPECIMINA TERRNA.

LI. VETERIS GRAECI.

(— Tab. LI. —)

Praeter crania diversarum quae hodie orbem terraqueum incidunt gentium, etiam antiquitatis populorum capita ossa ad illustrandas generis humani varietates nativas et quatenus vel saeculorum decursu sensim degenerasse dicendae sint, sedulo colligere studui, adeoque plura mumiarum Aegyptiacarum, tum veterum Romanorum, Germanorum, Tschudarum etc. calvarias conquisiui; earumque specimina in primis memorabilia prioribus decadibus exhibui.

Unice veteris Graeci crano potiundi spem post multifaria sed frustranea tentamina fere deposueram, cum haud ita pridem inopinanti mihi contigerit esse tam felici ut SERENISSIMUS PRINCEPS BAVARIAE REGNI HERES, quem inter alumnos suos habuisse gloriatur alma nostra Georgia Augnsta, in itinere Italico praceptoris quondam sui in historia naturali memor, huic eius desiderio penitus et plenissime satisfaceret. Cum enim pro singulari studio quo priscae artis, in primis Graeciae operibus delectatur, inter alia etiam in magna Graecia versatus Reverendissimi Episcopi Nolani museum antiquarium invisens vasculorum pictorum Graecanicorum, quae vulgo Etrusca vocantur, collectioni iuncta videret aliquot crania veterum Hellenorum, cum reliquis ossibus et figlinis istis admirandis in hypogeiis antiquis a) reperta et

a) Iconem eiusmodi hypogei a. 1790. in agro Nolano curante W. HAMILTON Eqnite eruti v. in fronte Vol. I. egregii operis quod amicis- simus W. TISCHBEIN tum temporis academiae pictoriae Neapolitanae

Director

et curiose asservata, uno eorum apprime formoso ab humanissimo posseſſore donatus musei miei anthropologici insignem lacunam ipſo explere dignatus est.

Aevitatem equidem venerabilis capitis praeter cariem vetustatis qua ossa paſſim exēſa et asperata ſunt, teſtantur praefertim nigrae quaſi holoſericeae maculae quibus hinc diſtinguitur et quae tenerrimis plantulis pulverulentis, *Byſſo* nempe antiquitatis b) conſiare, microſcopica indagatio monſtrat.

Eximia vero pulchritudo huius crani, cum iconē quam exhibemus accurata pē ſe iam oculos artis peritos feriat, verboſius eam persequi ſupervacuum videtur. Sufficiat ergo monuiſſe inter CLXX. crania diverſarum gentium, ad quem nempe numerū collectio mea dum haec ſcribo increvit, praeter illud Georgianaē feminae c) ne unum eſſe quod eximia forma calvariae ſubglobosae, frontis nobiliffime fornicatae, maxillæ ſuperioris oſſib⁹ ſub narium apertura fere ad perpendiculum coadunatis, iugalibus concinna et modice declivibus, verbo universa vultus venuſtiffima conformatiōne huic aequiparandum fit.

Si enim verum eſt ut eſt veriſſimum faciei varias formas proxime a cranii quod ipſi pro fundamento eſt ſiguratione pendere d), haec de qua agimus calvaria adeo ut cum Nasone loquar

artifician laudatis proxima signis. *artifician laudatis proxima signis*

Director edidit s. t. collection of Engravings from ancient Vases etc. 1791. fol.

Archetypum tabulae aeneae, artificiosa matu C. H. KRIEPI calamo pictum, iam museum meum ornat.

b) Byſſus nigra velutina HALL. Iconem v. in DILLENII hift. muſcor. Tab. I. Fig. 13.

c) Dec. HI. Tab. XXI. orig. of 1771. a. logoget ibomae muſcoſ.

d) Cf. poſtrialios idoneos iudicis doctiss. SALVAGE in ſplendido opere, *Anatomie du gladiateur combattant*, ubi v. c. pag. 2. Introduct. ait:

"J'ai

apparebit harum rerum peritis, ut vel hocce insigni exemplo ea
ultra ad oculum comprobentur quae alias contra nuperorum quo-
rundam opinionem de vultus forma quam idealem vocant, et
linea faciali veterum Graecorum (— *Griechisches Profil* —) mo-
nui e), quam nempe non ad ipsam naturae veritatem, sed ut
Quinctilianus ait, decore addito supra verum, effectam antu-
mant f); cum potius si hoc de quo agitur cranium cum pulcher-
rimis humani capitis formis contuleris quae in artis priscae
Graecanicae omnis generis operibus perfectissimis supersunt, ea
utique symmetria et proportione perfecte cum hoc ipso conve-
nire, fateri oporteat.

"J'ai anatomisé sur plâtre deux têtes d'Apollon, et me suis convain-
cu que son air noble et plein de Majesté dépend absolument du ca-
ractère osseux qu'elle comporte,"

et LAVATERI contra querelam in *physiognom. Fragm.* Vol. IV. p. 247.

"Dass so manche der grössten Anatomen und Zeichner für die
so unendlich auffallende, und unendlich wichtige Verschiedenheit der
Schädel wenig Sinn haben" etc.

e) *Specim. historiae naturalis antiquae artis operib. illustratae. Commentat.*
Vol. XVI. p. 179 sq.

f) Quam iv. c. DE PAUW in *Recherch. sur les Grecs* T. II. p. 97. "un
style de dessin" vocat "adopté dans quelques écoles."

LII. MUMIAE AEGYPTIACAE TERTIAE.

(- Tab. LII. -)

LIII. INDI-BENGALENSIS.

(- Tab. LIII. -)

Cum in itinere Anglo versato musea Londinensia uberem praeberent occasionem tam in Indicis variae aetatis artis operibus quam in veteris Aegypti monumentis, utriusque terrae incolarum vultus gentilitios invicem comparandi, insignem quae passim eos intercedit similitudinem admiratus, posthac ea ad illustrandas veterum Aegyptiorum varias aborigines usus sum g).

Ipsam vero eam analogiam ultro et luculenter probat biga craniorum iftarum gentium quae non obstante five aevi quo vixerunt, five terrarum quas incoluere distantia, ita ad amissim interesse convenient ut in collectione mea vix ac ne vix quidem alias duas dissitarum nationum calvarias sibi adeo persimiles videre liceat h).

Utrumque caput iuvenile est.

Altero, medicati nempe funeris Aegyptii, supellectilem meam anthropologicam auxit cl. GALL qui id ipsum Vindobonae a doctiss. CRIPPS collegii Iesu quod Cantabrigiae est sodali ex itinere Aegyptio reduce accepisse me docuit; alterum Indi Bengalensis debeo experientissimo ORTONI chirurgo urbico Dantiscano qui illud ex India Cisgangetana reportaverat.

Conveniunt ut universo habitu ita praesertim fronte, facie ad malas angustiore, nasi ossibus parum prominulis sed a glabella leviter decurrentibus, et orbitis amplis.

n

g) *Beyträge zur Naturgeschichte.* II. Th. p. 134 sq.

h) Conf. conjunctiss. HEEREN *Ideen über die Politik etc.* I. Th. 2te Abth. p. 693. ed. 3.

In mumiae vero capitulo praeterea adhuc tria alia observanda:

Cavum nempe craniⁱ omni bitumine vacuum, aequ^e ac in
mumia Cantabrigiensi a CON. MIDDLETON descripta ^j) et in ea
qua^e in museo Academiae Georgiae Augus^tiae adservatur ^k).

In vertice vero asphaltri reliquiae quibus involucrorum Bys-
sinorum vestigia impressa supersunt, eodem modo quo oculatis-
simus medicus Arabs ABDOLLATIPIH Bagdadensis ea ante hos
sexcentos annos in mumia aliqua obseruasse memorat ^l).

Demumque nares ut in tot aliis veteris Aegypti medicatis
funeribus ad educendum cerebrum sursum pertusae ^m).

i) V. EJ. germana antiquitatis eruditae monumenta. p. 261.

k) Desideratiss. HEYN^E commentat. Vol. IV. p. 14.

l) Historiae Aegypti compend. ex ed. IO. WHITE. Oxon. 1800. 4. p. 151.

“Vidi super calvaria vestigium amiculi feralis, vestigiumque operis tex-
torii, in quo notae apparerent similes iis quae conspici solent in cera
vesti impressa.”

m) Cf. Dec. IV. ad Tab. XXXI.

VARIETATIS SECUNDÆ

SPECIMINA BINÆ.

LIV. SAMOJEDI.

(— Tab. LIV. —)

Debeo hocce cranium clarissimo NUDOW, medico provinciali in celebri Archangeli emporio. Gentis est magnam partem nomadicae longe lateque per Sibiriae occidentalis plagas sparsae, et hodieque Mongolici stemmatis habitum præ se ferentis. Adeoque et caput de quo agimus facie lata plana, naso depresso, verum et universa conformatio proxime abest ab aliis eiusdem varietatis speciminiis; praesertim autem similis appareat Groenlandorum calvariis quarum bigam Decade quarta exhibuimus *n*). Convenit enim cum his praeter cetera ossium planorum tenuitate et inde maxime pendente totius cranii insigni levitate, nasi ossibus valde elongatis sed angustis, aliisque quae iconum comparatione per se patent.

Verum et ipsam hanc quae Samojedis cum Groenlandis intercedit similitudinem iam ante bina fere secula ex autopsia notavit oculatissimus et accuratissimus naturae observator, ADAM. OLEARIUS *o*).

Cranio autem quod exhibemus respondet quoque in universum unanimis consensu auctorum autoptarum qui de nativo habitu et charactere gentilicio istius gentis egerunt *p*).

n) Tab. XXXVI et XXXVII.*o*) *Reyse nach Muscow und Persien*, ed. 2. 1656. p. 158.

p) Cf. v. c. post tot alios: *Mémoire sur les Samoedes et les Lappons*, (auctore Russici status Consiliario T. M. DE KLINGSTAEDT) p. 38. et ex antiquioribus classica illa GER. DE VERA *descriptio trium navigationum admirandarum* (WMI. BARENTSZ ad novam Zemblam etc.) p. II. b. ed. lat. Amst. 1593. fol. quam quidem versionem (quod obiter monere liceat cum nusquam observatum meminerim) aequa ac eas itinerum Harrioti in Virginiam et Laudonnerii in Floridam, curavit vir summus et incomparabilis CAR. CLUSIUS.

LV. SCHITGAGANI.

(- Tab. LV. -)

In litore Americae Caurinae quae nempe Septentrionem inter et occidentem ad maris pacifici partem borealem oblique excurrit in primis memorabilis est sub 57^{mo} latitudinis gradu, Sinus Nōrfolkii pretiosae Lutrae marinae dives, cuius accolae se ipsos *Schitgaganos* vocant, Russi *Kaluschos*. Curatissimam huius populi, eiusque morum admodum singularium, notitiam debemus viro mei amantissimo auditori quondam dilectissimo, iam Augustissimi Russiae Imperatoris Consuli generali in Brasiliae regno, perillustri DE LANGSDORFF q), utpote qui Generosissimi DE KRAUSENSTERN per maximam celebris sui peri pli partem comes, postea in ipsis Americae borealis occidentalibus oris per integrum fere annum restitit et collectionem meam craniorum ipso hocce Schitgagani ditavit.

Adeo vero memorabilis haec calvaria facie depressa et malarum ossibus late extantibus et quasi alatis insignitur ut tanquam pro specimine ideali Mongolicae ut vocatur, in genere humano varietatis, haberri possit r).

q) V. Ej. Bemerkungen auf einer Reise um die Welt etc. T. II. p. 96.

v) Peropportune accidit, ut dum hanc prelo tradenda pararem alterum eiusdem stemmatis cranium ad manus perveniret, priori isti charactere quem diximus nationali simillimum, quod quidem exoptabile munus amicitiae egregii Viri, SAM. PERKINS celebris mercatoris Bostoniensis debo, cuius rogatu Io. BANCROFT navis mercatoriae praefectus cum nuper Norfolkii sinum inviseret hocce caput offeum Schitgagani reportavit.

VARIETATIS TERTIAE
SPECIMEN.

LVI. MULATTAE.

(— Tab. LVI. —)

Acceptum refero egregium et memorabile hocce cranium viro
cl. FR. BENEKER M. Doctori et chirurgo primario Regii Belgarum
exercitus, qui integro capite Mulattae in nosocomio militari re-
center defuncti me donavit. Viri invenis est in colonia Guaya-
nensi Demerari nati matre aethiopissa, patre vero Batavo Haar-
lemensi.

Cranii forma in universum spectata proxime abest ab ea
quam Batavorum, Germanorum, aliarumque Caucassi stemmatis
gentium capita ossea prae se ferunt, contra vero si forte a maxilla-
ribus ossibus paullo porrectioribus discesseris, vix ullum eorum
characterem in eo invenies quibus alioquin aethiopum calvariae
distinguuntur. Omnia heic quam in Nigritarum craniis latiora;
imprimis calvariae proprie sic dictae ossa, frons spatiosa, tempora-
lium ossium squamae tumidae, bregmata vero amplissima, protu-
berantia.

Novo adeo exemplo characteris paterni, a curatis naturae
indagatoribus tam in ipso genere humano^{s)}, quam in progenie
aliorum animantium mammalium domesticorum^{t)} observati, quo
quidem constat, in prole a diversi stemmatis parentibus nata,
capitis formam maxime a patre genitore impertiri.

^{s)} Cf. v. c. HACQUERTI de Armenis observationem. Dec. V. ad Tab. XLI.

^{t)} V. post DAUBENTONIUM aliosque de re pecuaria auctores inter nostra-
tes CHR. STURM über die Raçenzeichen der Haustiere. p. 13. C. W.
AMMON ad G. FR. SEBALD Geschichte des Pferdes. T. I. p. 147. 157.
in primis autem Jos. AD. BACHMANN doctam commentationem a Soc.
Regia a. 1817 praemio ornatam über Züchtung und Kreuzung der
Haustiere in promtuario Hannoverano 1818. p. 163.

VARIETATIS QUARTAE
SPECIMINA BINAE.

LVII. FEMINAE CROATAE.

(— Tab. LVII. —)

Vir Generosissimus W. C. DE ESCHWEGE Hassus, Regi Lusitaniae et Brasiliæ Praefectus locumtenens architecturae militaris et Director generalis aurifodinarum Capitaniae quae Minas geraes audit, rara opportunitate usus qua per plures annos eam Americæ Lusitanicae partem incoluit, non subterraneos tantum ditissimi istius regni thesauros sed et alia quae naturalem eius historiam attinent aequæ ac barbarorum indigenorum naturam et mores indagandi.

In egregio diario Brasiliensi *u)* cuius hactenus bini fasciculi prodierunt praeter tot alia memorabilia *Croatoorum x)*, stemmatis Indorum barbarorum, hucusque parum noti, habitum et vitae genus describit, simulque etiam ipsum de quo agimus cranium memorat, quo vir egregius meique amantissimus et auditor quondam perassiduus collectionem meam auxit.

Caput est osseum feminæ 20 circ. annorum, cuius cadaver pro more istius gentis amphora figlina conditum et in tugurio quod tum a familia superstite deseritur, sepultum fuerat.

In universum quidem satis simile est crano Brasilianæ mulieris ex gubernio Para quod superiore decade (— Tab. XLVII.—) exhibuimus; differt tamen ab eo facie angustiore et magis elongata,

u) Journal von Brasilien. Vinar. 1818 sq. 8.

x) Quod coronatos significat, nomine Lusitano a capillorum singulari tonsura ipsis imposito.

gata, imprimis autem maxillae superioris ossibus sub narum aper-tura in prominentiorem cristam coadunatis, quod quidem magni nominis apud Londonenses pictor, BENJ. WEST ad characteres principes physiognomiae gentilitiae Iudeorum refert y), quocum ea bene congruunt quae per ill. DE ESCHWEGE postea in opere laudato de vultu Coroatorum memorat z), quem iudaico adeo similem dicit, ut facies inter eos occurrant, maxime genuinis Israe-litarum vultibus plane aequiparandae.

y) Pluribus de hoc argumento differui libro *de generis humani varietate nativa* p. 196. ed. 3.

z) P.I. p. 162. 164.

LVIII. BOTOCUDI

ANTHROPOPHAGI BRASILIENSIS.

(— Tab. LVIII. —)

Unico hactenus exemplo Principem Germanicum SERENISSIMUM nempe MAXIMILIANUM NEOVIDENSEM, nuper vidimus historiae naturalis studio, cui et in alma nostra litterarum universitate perassidue incubuerat, remotissimas novi orbis plagas adeuntem, et inter ipsos barbaros Indos diu versantem ut ditisimam rerum naturalium copiam, et quod maius est, uberem de ipsis observationum messem, istinc reportaret.

Inter multifarias accessiones quibus doctissimus Princeps museum meum, ipsi dum scholas nostras frequentabat probe notum, auxit, maxime memorabile et gratissimum refero cranium *Boto-*
cudi a) populi ex Tapuiarum gente vere anthropophagi, cuius uberiorem notitiam in itineris descriptione a Serenissimo auctore propediem edenda, avidi exspectamus b).

Viri

a) Nomine ipsis aequo ac Coroatis a Lusitanis indito; et quidem *Botocudis* a vaegrandibus discis ligneis quorum bigam in mire extensis appendicibus auricularum, tertium vero in labii inferioris enormi incisura gestant; cuiusmodi quidem cylindrici orbes, qualibus v. c. ad orificia doliorum obturanda utuntur, vernacula Lusitana lingua *botoques* vocant.

Plures horum discorum quibus isti barbari anthropophagi se insigniunt et quos ex ligno *Bombacis ventricosae* parari Princeps MAXIMILIANUS me docuit, in supellectili mea anthropologica servo, quorum unus, inauris loco gestatus, quod ipsi debeo, IV prope uncias, alias vero labialis ut ita dicam, (quo me cum binis eiusmodi discis inauribus multisque aliis Brasiliensis memorabilibus donavit cel. FREYREISS Francofurtensis, naturalis historiae studiosissimus, in ista novi orbis plaga degens), tres fere uncias diametro transversali aequat, crassitie omnium ad eam digitii accedente.

b) Cf. etiam DE ESCHWEGE l. c. P. I. p. 88 sq.

Viri est 25 circa annorum qui hostilitate qua antea cum popularibus suis in vicinas Lusitanorum stationes irruerat, demum composita, ab eo inde tempore ipsum horum praesidium ad Fluv. dulcem (*Rio doce*) subinde frequentavit, ibique haud ita pridem morbo occubuit.

Cranium ipsum magnum, ex ossium textura densa et dura c) calvariaeque crassitie valde ponderosum, in universum autem dummodo a mandibula inferiore et ab orbitarum figura et intervallo, spina nasalis porrecta aliisque quae homini propria sunt, momentis discesseris, toto habitu proprius ad eam *Simiae satyri* accedens d), quam ullum aliud barbari stemmatis caput osseum in collectione mea visendum, et si in aethiopum uno alterove maxilla superior magis antrosum promineat, a quibus ceteroquin praeter alia iugalibus ossibus latioribus et bregmatibus extrosum utrinque tumescentibus differt.

In primis vero memorandus venit scrobiculus quasi digito cerae impressus quo post casum dentium primorum alveoli eorum compressi, imo magnam partem plane absorbi sunt; id quod, ut Princeps me docuit omnibus in universum Botocudis adolescentibus ex perenni gesamine disci istius lignei, de quo modo in nota egimus, contingit, adeo ut vix unquam tricennarium inter eos videas istis dentibus adhuc instructum.

c) Monachus Lusitanus seculo XVI. ad finem vergente ad convertendos Indos in Brasiliam missus, cuius egregium diarium SAM. PURCHASE classicae suae itinerum collectioni inseruit (Vol. IV. p. 1296.) craniorum eorum duritiem his verbis memorat:

"As they goe bare-head, they have the heads so hard that ours in comparison of theirs are like a Pompion, and when they will injurie any white - man, they call him soft - head."

d) Ita et NIC. DU TOICT (C. DEL TECHO in Relat. tripl. de rebus Indicis Antwerp. 1654. 8. p. 34.) Caayguas (alium Brasiliensem tribum ex Cariorum stemmate) tam simius similes quam hominibus vocat.

VARIETATIS QUINTAE
SPECIMINA BINNA.

LIX. PUELLAE MACASSARENSIS.

(— Tab. LIX. —)

Etsi per se iam rara sit occasio ex adeo remotissimis Indiis orientalibus crania indigenorum acquirendi, longe vero difficultissimum est, in tanta gentium varietate ex quibus mancipia, praesertim in Batavorum coloniis conqueruntur, ut de genuina origine eiusmodi capitum ossorum citra omnem dubitationis aleam certus fieri possit. Ideoque inter maxime memorabilia musei mei anthropologici refero collectionem craniorum malaicae praesertim generis humani varietatis, quam, ut iam Decade quinta (— ad tab. XLV. —) memini, carus quondam auditor, doctiss. JASSOR Bataviae urbis physicus et in nosocomio medicus primarius mei caussa paravit, subiuncta cuivis capiti nitide purgato uberiore ex actis forensibus et diariis medicis excerpta notitia de origine et vitae genere defunctorum de quibus sumta erant.

Bina eorum heic exhibere liceat eaque feminea, Macassariense alterum, alterum Baliense.

Illud virginis 22 annorum in Provincia *Mandhaar* submersione interfictae, perquam venusta tam statura quam vultu.

Calvaria eleganter subglobosa, frons convexa, glabella plana, lata; nasi ossa depressa, facies panda *e*); maxillae superioris limbus

e) Cf. graphicam Macassariae seminarum descriptionem in F. VALENTYN *Oost-Indien*. III. D. 2. St. (Vol. IV.) p. 137. ubi inter alia: “ze zyn door de bank veel schooner, netter besneden van wezen, en veel blancker, dan alle andere Indiaanse Vrouwen — zeer fraai van oogen, mooi, doch wat plat van wezen” etc.

limbus anterior prominulus; inferior mandibula angustior; dentes pigmento masticatorio Indiae orientalis gentibus indigenis usitatisse denigrati f).

f) De quo praeter ea quae decade IV. (ab Tab. XXXIX.) diximus, videlicet quoque THUNBERGII iter T. I. P. II. p. 255 sq. version. German. W. MARSDEN'S *history of Sumatra* p. 281 sq. ed. 3. 1811. W. VINCENT'S *Periplus of the Erythrean Sea*. Vol. II. Append. p. 52. 735 sq. ed. alt. 1807 et ALARDI *éloge historique de F. PÉRON* p. 34 sq.

LX. PUELLAE BALIENSIS.

(— Tab. LX. —)

Iavae orientali orae vicina adiacet parva insula *Bali* g) ex qua (ut ex tot aliis archipelagi orientalis insulis) numerosa mancipia in Batavorum colonias importantur h). Erat in his puella 18 annorum cuius cranium exhibemus quae in Bataviae nosocomio autochira obiit.

Convenit hoc ipsum totali habitu cum Macassariae quod modo diximus, capite; calvaria, fronte, maxillae superioris ossibus antrorsum porrectis etc. in primis vero glabellae et nasi ossi eidem subiecti planitis et latitudine.

Diffrerit vero, praeter alias minoris momenti, osseae compagis partes, praesertim mandibulae inferioris arcu obtusiore, latiore.

Dentium autem coronae ut in antecedente aliisque quae pri dem exhibuimus *malaicae* varietatis craniis crux fusca, betelinae quam perpetuo mandunt compositionis, obductae.

g) Uberiorem de hac insula notitiam exhibet TH. STAMF. RAFFLES in *History of Java*. Vol. II. Append. p. 231 sq.

h) Icones binarum servarum Balienium v. ap. DE BRUIN *Reizen over Moskovie* etc. p. 361. tab. 102, 103.


DE LA VILLE COEUR D'ARGENT SUR LA COTE D'AZUR

L'ÉCOLE DE PARIS

Il est difficile de décrire l'école de Paris dans son état actuel. Il existe plusieurs écoles distinctes qui sont toutes assez proches l'une de l'autre. L'école de Paris est une école de style très élégant et très raffiné. Les œuvres de l'école de Paris sont très variées et très intéressantes.


C'est une école qui a été créée par un certain nombre d'artistes français qui ont été influencés par les œuvres de l'école de Paris. Ces artistes ont été très influencés par les œuvres de l'école de Paris et ont donc créé des œuvres très similaires. L'école de Paris est une école qui a été créée par un certain nombre d'artistes français qui ont été influencés par les œuvres de l'école de Paris. Ces artistes ont été très influencés par les œuvres de l'école de Paris et ont donc créé des œuvres très similaires.

Il est difficile de décrire l'école de Paris dans son état actuel. Il existe plusieurs écoles distinctes qui sont toutes assez proches l'une de l'autre. L'école de Paris est une école de style très élégant et très raffiné. Les œuvres de l'école de Paris sont très variées et très intéressantes.





LI. veteris Græci.







LII. Mumiae Aegyptiacae 3^{tae}.






LIII. *Indi Bengalensis.*






LIV. Samojedi.







EV. Schitgagani.





LVI. *Mulattæ.*







LVII. Feminæ Coroatoe.





William D. Smith - Well






LVIII. *Botocudi.*






LIX. puellæ Macassarensis.




LX. pueræ Baliensis.


Rup. del. & sc.











~~Ked. Physiol. 276.~~



© SUB GÖTTINGEN / GDZ | 2010



QPCARD 201

